

МЕХРИБОН ИНСОН ЭДИ



Таниқли олим, илм-фан фидойиси, тиббиёт фанлари доктори, профессор Тельман Абдурахмонович Абдиев ҳаёт бўлганида 83 баҳорни қаршилар эди.

1937 йилнинг 15 декабри. Мамлакат учун энг оғир кунларда Нарпай тумани Мирбозор қишлоғининг зиёлиларидан бўлган Абдурахмон Абдиев оиласида бир фарзанд дунёга келди. Унга каста орзу ва ҳавас билан Тельман деб исм қўйишди. Тельман Абдурахмоновичнинг ёшлик йиллари II жаҳон урушининг оғир давларига тўғри келди.

Шафқатсиз уруш барча қатори Абдиевлар хонадонига ҳам ўз таъсирини кўрсатди. Тельман ота-онасидан, сўнг сингисидан жудо бўлади. Шу аснода ёш йигитча ёлғиз қолади ва кўп касаллик-ларни бошидан ўтказди.

Тельман Абдурахмонович болалар уйи мактабини аъло баҳолар билан тугатди. Ёшлигида кўп касалликларга гувоҳ бўлган, аҳолининг касалликлардан азият чекканлигини ўз кўзи билан кўрган. Усмир 16 ёшида Тош-кент Давлат тиббиёт институтига ўқишга киради. 1959 йилда олийгоҳни тугатгач, фаолиятини ўзи туғилиб ўсган Нарпай туманида бошлади.

Ёш бўлишига қарамасдан, Тельман Абдурахмонович туғилган юрти Нарпай туман санитария-эпидемиология станция-си бош врач лавозимида ишлади. Уч йилдан сўнг Е.И.Марциновский номидаги тиббий паразитология ва тропик касалли-лари тиббиёт институти клиник ординатурасига ишга ўтади. Бир йил тўлиқ курени ўтагач, илмий изланишларга қизиқиши ортади.

ТТТУ қизиқиш Тельман Абдурахмонович олдида улкан мақсад қўяди ва уни Л.М.Исаев номидаги тиббий паразитология илмий-текшириш институтига етаклайди. 1964 йил институт қошидаги аспирантурага қабул қилиниб, 1967 йилда муваффақиятли тугатиб, тиббиёт фанлари номзоди илмий даражасини олади. Дастлаб кичик илмий ходим, каста илмий ходим, 1978 йилдан бошлаб эса лаборатория мудири лавозимида ишлайди.

Тельман Абдурахмоновичнинг илм-фанга садоқатли ва лаёқатлилиги инobatта олиниб, 1980 йилда институт дирек-торининг илмий ишлар бўйича муовини лавозимига тайинланади. Домла 1990 йилгача шу лавозимда самарали фаолият юритади. 1994 йили тиббиёт фанлари доктори илмий даражасини олишга муваффақ бўлади.

Домла 1990-2013 йиллар давомида Л.М.Исаев номидаги тиббий паразитология илмий-текшириш институтга паразитология бўлим мудири лавозимида фаолият олиб боради.

Нафақага чиққандан сўнг ҳам институт раҳбарияти домлани ишга таклиф қилади, у 2020 йилгача институтнинг фахрий профессори бўлиб ишлайди.

Тельман Абдурахмонович 3 та фан номзоди ва 1 та фан докторлиги диссертация ишларига раҳбарлик қилади. Домла ветеринария паразитологияси фанининг забардаст олимлари, академиклар И.Х.Иргашев, М.А.Аминжанов, профессорлар Т.Х.Раҳимов, Б.С.Салимов, А.О.Орипов, А.Ф.Ғафуров, Р.Б.Давлатов ва А.С.Даминовлар билан доимий ҳамкорликда ишлайди, узок йиллар давомида Самарканд ветеринария медицинаси институтидаги илмий даражалар берувчи илмий кенгаш аъзоси сифатида фаолият кўрсатиб, 10 га яқин докторлик ва номзодлик диссертацияларига расмий оппонентлик қилади.

Тельман Абдурахмонович оилада меҳрибон ота, камтарин турмуш ўртоқ бўлиб, умр йўлдоши Абдиева Ойширин Ава-зовна билан 60 йил умргузаронлик қилган. 4 фарзанд, 7 набира, 3 эваранинг суюкли бобоси эди. Хрзирги вақтда домланинг барча фарзандлари Республикаимизнинг турли соҳаларида фаолият олиб бормоқда.

Ўтган йил устознинг турмуш ўртоғи вафот этган эди. Оғир жудолликка Тельман Абдурахмонович қўника олмади...

Ёшларнинг сеvimли устози, кенг тафаккур эгаси, ардоқли инсон Т.А.Абдиевнинг ёрқин хотираси унинг яқинлари ва шогирдлари қалбида машу қолади.

Хушназаров Алишер Худойберди угли,

Самарканд ветеринария медицинаси институтга ветеринария-санитария экспертизаси ва гигиена кафедраси ассистента

ЖОНКУЯР ҲАМКАСБ ЭДИ



Шафқатсиз ўлим фидойи инсон, жонкуяр ветврач Дурдиев Шокир Куранбаевични 58 ёшида орамиздан олиб кетди. Унинг оила аъзоларига, яқинларига сабр тиладик. Куръону карим оятларидан тиловатлар қилдик, ҳаёлимизда у босиб ўтган ибратли ҳаёт йўли бир қадар жонланди.

Шокир Дурдиев ёшлигидан ветеринария соҳасига меҳр қўйгани боис 17 ёшида, яъни 1979 йил Шовот туман давлат ветеринария бўлимига ветсанитар бўлиб ишга кирди. Сўнг хужжатларини Самарканд қишлоқ хўжалик институтининг ветеринария факультетига топшириб, талаба бўлди. Яхши дўст, интилувчан талаба сифатида тенгдошларига ўрнатқ бўлди.

Институтки тугатгач, дастлаб у участка ветеринария врач, туман ветеринария бўлими бошлиғи ўринбосари, Шовот туман давлат ветеринария бўлими бошлиғи лавозимларида меҳнат қилди. Сўнг 9 йил давомида Хоразм вилоят давлат ветеринария бошқармаси бошлиғи бўлиб ишлади. 2004 йил талабчан мутахассис ветеринария фанлари бўйича номзодлик диссертациясини ёклади. Кейинчалик вазибаларда

Шокир Дурдиев Республика ветеринария лабораториясида ветеринария врач, эпизоотик отряддари бўлган Республика экспедицияси отряд бошлиғи ҳамда "Хоразм" чегара ветеринария назорати пунктида 1-тоифали ветеринария врач каби ишлади.

Бугун у орамизда йўқ. Шокир Дурдиев ўзининг меҳнатсеварлиги, тиришқоқлиги, жонкуяр раҳбарлиги ва ветеринария соҳасини севган инсон сифатида барча хоразмлик ветеринария ходимларининг хотирасида муносиб ўрин эгаллади. Жонкуяр ҳамкасбнинг рухдари шод, охиратлари обод бўлишини Аллоҳдан талаб қоламиз.

**Хоразм вилоят ветеринария ва чорвачиликни
ривожлантириш бошқармаси жамоаси.**

